

Ruj. Kami: MBPJ/090100/T/M13/JLD.5 (70)
Tarikh: 6 Julai 2012

KENYATAAN AKHBAR PJ CITY STREET FASHION SHOW

PJ City Day Street Fashion Show merupakan acara baharu yang diperkenalkan dan dianjurkan oleh Majlis Bandaraya Petaling Jaya (MBPJ). Melihatkan pada peredaran masa kini, pelbagai keunikan fesyen terbaharu telah ditampikan, oleh itu MBPJ mengambil peluang untuk menganjurkan pertunjukan fesyen bagi meraikan sambutan ulang tahun ke – 6 MBPJ.

Pertunjukan fesyen ini merupakan cetusan idea dan cadangan daripada Dato' Hj. Mohamad Roslan Sakiman, Datuk Bandar MBPJ. Pertunjukan fesyen yang bakal dianjurkan ini adalah berkonsepkan *Street Fashion Show*, dimana ianya adalah pertunjukan fesyen secara terbuka di hadapan khalayak ramai.

Pertunjukan fesyen yang akan dianjurkan ini adalah bertemakan Moden Kontemporari. Sepertimana yang diketahui ramai, fesyen ini semakin mendapat permintaan dan perhatian daripada orang awam. Tema ini pula memperlihatkan rekaan moden yang masih mengekalkan aspek tradisional dalam pemakaian.

Penganjuran *Street Fashion Show* adalah kerjasama antara pihak MBPJ bersama dengan Kumpulan Media Karangraf. Penganjuran pertunjukan fesyen ini adalah yang pertama kali dianjurkan oleh pihak MBPJ, oleh yang demikian Kumpulan Media Karangraf telah dilantik menjadi perunding untuk membantu merelisasikan pertunjukkan fesyen ini berdasarkan pengalaman dan kepakaran yang mereka ada.

Kerjasama ini adalah bertujuan untuk mendapatkan pandangan dan bantuan bagi menjayakan pertunjukan fesyen yang diilhamkan oleh Datuk Bandar. Selain daripada itu kerjasama ini diharapkan dapat membina hubungan yang baik dengan Kumpulan Media Karangraf sekaligus memberi keuntungan kepada kedua-dua belah pihak.

Antara objektif mengadakan pertunjukan fesyen ini adalah untuk meraikan sambutan ulang tahun ke – 6 Bandaraya Petaling Jaya. Di samping itu, pertunjukan fesyen ini juga menjadikan MBPJ sebagai PBT yang pertama menganjurkan *Street Fashion Show* sekaligus dapat menarik perhatian daripada penduduk luar sekitar PJ.

Ia juga dapat memupuk hubungan kerja yang baik bersama pihak penganjur iaitu Kumpulan Media Karangraf disamping membuktikan keterbukaan idea MBPJ terhadap dunia fesyen yang sinonim dengan wanita. Tidak ketinggalan dengan penganjuran seumpama ini dapat juga memupuk serta mengeratkan hubungan

antara penduduk PJ dengan MBPJ serta dengan pihak luar dan mengalakkan sektor pelancongan dalam bidang fesyen dan peragaan.

Pertunjukan fesyen ini juga bertujuan untuk mempromosikan fesyen berkonsepkan moden kontemporari yang semakin mendapat tempat dalam dunia peragaan di samping mempromosikan PJ sebagai bandaraya peneraju, dinamik dan lestari.

Street Fashion Show ini juga merupakan platform untuk bersama berkongsi idea dalam dunia fesyen dan mempamerkan keunikan fesyen moden kontemporari yang boleh digayakan oleh semua kaum.

Ia juga dapat memberi pendedahan kepada masyarakat untuk tampil dengan imej moden disamping mengekalkan budaya ketimuran. Ia juga menjadi platform untuk pereka fesyen mempamerkan hasil rekaan yang baharu kepada masyarakat dan menjadikan sebagai satu produk pelancongan apabila dibuat pada setiap tahun.

Street Fashion Show ini akan berlangsung selama satu hari terdapat lima segmen utama yang memaparkan kepelbagaian konsep pemakaian yang bersesuaian dengan penduduk Petaling Jaya. Setiap seragam akan diserikan oleh 6 model dalam setiap kelompok bagi selari dengan ulangtahun MBPJ yang ke 6.

Kelompok pertama terdiri dari kanak-kanak yang berusia diantara 7 hingga 12 tahun. yang akan memperagakan pakaian kasual. Kelompok kedua pula terdiri dari Remaja (*junior*) yang berusia di antara 13 hingga 17 tahun. Kumpulan ini juga akan memperagakan pakaian kasual sesuai dengan trend pakaian kini.

Kelompok ketiga terdiri dari Remaja (*senior*) yang berusia diantara 18 hingga 23 tahun. Model yang dipilih akan memperagakan pakaian "*in trend*" yang kasual dan ranggi. Kelompok ini mempunyai jumlah yang ramai.

Kelompok ke empat terdiri dari wanita muslimah. Mereka akan memperagakan pakaian dari Busana Muslimah sesuai dengan tuntutan agama dan masih bergaya. Kelompok ke lima terdiri dari jejaka maskulin yang berjiwa rugged dan bergaya.

Kita juga tidak melupakan kelompok keluarga yang akan mengayakan pakaian kasual dan pengantin. Kemuncaknya adalah acara *high dress/evening gown* yang melambangkan gred yang tersendiri.

Di keluarkan oleh:

**Sekretariat Media,
Unit Perhubungan Awam,
Majlis Bandaraya Petaling Jaya.**

Laman web: www.mbpj.gov.my, facebook: Petaling Jaya City Council, twitter: [pjcitycouncil](https://twitter.com/pjcitycouncil),
emel: media@mbpj.gov.my Tel : 03-79563544 sambungan 203/204, Faks : 03-79582695

Sebarang pertanyaan atau maklumat lanjut, sila hubungi: Pegawai Perhubungan Awam MBPJ, Puan Zainun bt Zakaria, 019-2239604, zainun@mbpj.gov.my atau Penolong Pegawai Perhubungan Awam MBPJ, Ahmad Iskandar b. Mohamad Mukhtar, 017-6946884, ahmadiskandar@mbpj.gov.my